

# Landesbibliothek Oldenburg

Digitalisierung von Drucken

## Jonstoni Historia Naturalis

Ioannis Ionstoni|| Theatrvm|| Vniversale Omnivm|| Animalivm||  
Qvadrpedvm

**Jonston, Jan**

**Heilbrunna, MDCCLV.**

**VD18 90528808**

Illustration: Tab. XII. Monoceros Unicorn. Einhorn; Capricorn, Marino, Meer  
Steinbock; Monoceros Unicornu. Einhorn.

**urn:nbn:de:gbv:45:1-10966**

Monoceros Unicornu  
Einhorn .



Capricornus Marinus  
Meer Steinbock .



Monoceros Unicornu  
Einhorn .



Hil  
Pol

Alc  
Hil  
du  
c. 6

Str  
Ge  
Phi  
lan

Phi  
l. 8

M.  
Ver  
l. 3.

Var  
l. 1.



ciles, ut nullo labore, in quamcunque manus voluerit partem deducantur. *Silvestres*, in regno Senegae, ad fluvium inprimis Gambam inuenies. Ibi enim gregatim, ut apud nos apri, incedunt. *Lybici*, seu Mauri Indici sunt minores, et nec vocem, nec odorem horum ferre possunt, ut apud Polybium habes; imo nec contueri quidem eos audent, ut apud Solinum legitur. *Indici*, sunt quidem maximi; non eiusdem tamen omnes magnitudinis. Ideo Solinus duo

eorum genera tradit; nobiliores indicari magnitudine, minores nothos dici. *Prasii* appellantur, qui maximi sunt, quales forte iam Madagascar, teste Scaligero, producit. *Taxilas* vocant, qui secundi ab his magnitudine existimantur. Illos et in Sumatra inuenies, animi robore, et virtutis indole iis, qui in continenti sunt praestantes. Ideo magnis navibus in continentem transportati, Calingarum Regi vendebantur, ut Aelianus prodidit.

## CAPUT VI.

## De Monocerote, et Asinis Cornutis.

**M**onocerotis vocabulum, quod Latinis unius cornu animal sonat, pluribus animalibus competit: stricte tamen soli illi, quod ἀπὸ τοῦ μόνου κέρατος, a solo cornu dictum est, et ideo Unicornis, et Unicornu. Brachmanorum Dialecto καρτάζωνον, vocatur. An in rerum natura sit, vel fuerit, alibi, post Baccium, et Bartholinum, magni patris magnum filium, disquiretur; nunc breviter fide auctorum, qui de eoscripserunt, de eodem agemus. *Descriptionem* itaque quod attinet, Strabo, ex Onescrito equos unicornes toto fere corpore referre scribit. Philes cauda aprum, Leonem rictu praefere ait. Plinius, reliquo corpore equo similem, capite cervo, pedibus elephanto, cauda apro, facit; et uno cornu nigro, media fronte cubitorum duum eminente, instrui. Plinium Solinus sequitur. Isidorus cum Rhinocero te confundit, et cornu ita acutum et validum esse, ut quicquid impetierit, aut ventilet, aut perforet, addit. M. Paulus Venetus, Magno Cham Tartariae a servitiis, in regno Lambri conspici ait, Elephantem minores, depressum caput gerentes aprino simile, spinosa lingua, qua obvia petunt, nigricantibusque oculis, Rhinocerotis formam ad unguem aemulantur. Ludovicus de Varthema Bononiensis

de Monocerotibus a se visis, ita scribit. Ex altera templi Meccani parte claustra sunt, quibus bini Monocerotes vivi includuntur, qui pro re singulari, ut sunt, monstrantur. Eorum haec forma erat. Maior equinum pullum xxx. mensium imitatur, unumque in fronte cornu praefert, trium circiter ulnarum. Alter Monocerus, unius anni similis, cornu quatuor palmarum habet. Color ferae, ut equi sagmati obscurior, capite cervino, collo brevi, rarisque circa illud pilis, et brevi iuba ab altero tantum latere dependente. Crus subtile habet, gracile hinnuli instar: Pes anteriori parte parum fissus, ungula vero caprina, pedesque dextrum latus pilosum. Enimvero feritatem praefert, et naturam solitudinis amantem. Quae Garzias ab Horto habet, non appono. Reperiri dicuntur in Arabiae solitudinibus, ibique a mercatoribus visos, Thomas Bartholinus accepit. Garzias suos inter promontorium Bonae Spei, et illud, quod vulgo de Currentes nuncupatur, inveniri scribit. Paulus Venetus suos in regno Bosma et Lambri locat. Aeneas Sylvius, in extremis Asiae partibus, in quadam provincia nomine Macino, inter montes Indiae et Catalum, ubi vulgo, creditur habitasse Sericos Aloysius Cadamustus in novo orbe Cornu

Hist. l. 5.  
PolybiusAldrov.  
Hist. Quadrup. l. 1.  
c. 6.Strabo  
Geogr. l.  
15.  
Philes in  
Lambis,Plin. H. N.  
l. 8. c. 21.M. Paulus  
Venetus  
l. 3. c. 15.Vartom.  
l. 1. c. 18.Scalig.  
Exercit.Aelian. H.  
A. l. 16 c.  
15.Bartholin.  
de Unicornu  
cap. 24.  
Garzias H.  
Arom. l. 1.  
c. 14.Aloysius  
Cadamustus